

Mánná geas ii leat biilaboagán biddjon biilamátkkis, sáhtta duodalaččat vaháguvvat, vel dalle nai go ii leat alla leahttu.

Fuolat álohii mánnásat bidjat biilaboahkána - maiddá oanehis mátkkiin.

Dán gihppagis leat dieđut movt buoremusat sihkkarasttat iežat máná biillas.

Maid láhka dadjá?

Manin dakkár biilastuollu mas mánná čohkká sealggális?

Movt válljet rievttis biilastuolu iežat mánnái

Čilgehus iešguđetlágan biilastuollošlájaid birra

Airbag (áibmobusse) geavaheapmi ja dábálaš boasttuvuođat

Láгат ja njuolggadusat

Lea geatnegasvuohta mánáid sihkkarastit biillas. Mánát vuollel 135 cm alu galget álohii atnit dohkkehuvvon mánáidsihkkarastinbiergasiid mat leat riehta máná deattu ja allodaga ektui. Mánát gaskal 135 ja 150 cm galget atnit dohkkehuvvon mánáidsihkkarastinbiergasiid jus dakkár biergasat gávdnojit biillas.

Mánáid ii leat lohpi bidjat ovddabeallái biilii mas lea airbag (áibmobusse) ja mas mánná čohkká sealggális mánáidbiilastuolus. Dalle gal sáhtta jus airbag (áibmobusse) lea jáddaduvvon.

Ii leat lohpi fievrredit vuollel golmmajahkásaš mánáid biillas mas eai leat biilaboahkánat. Mánáid badjel golbma jagi ii leat lohpi fievrredit ovdastuolus biilaboahkána haga.

Biilasihkkarastinbiergasat mánáide odne leat dohkkehuvvon guovtti njuolggadusa mielde; ECE R44/04 dahje R129. Lea bákkolaš sihkkarastit njuoratmánáid sealggális čohkkát stuolus gustovaš njuolggadusa mielde. ECE R44/04 olis galgá mánáid sihkkarastit sealggális čohkkát stuolus dassážii go deddet badjel 9 kg. R129 olis galgá mánáid sihkkarastit sealggális čohkkát stuolus dassážii go leat 15 mánnosaččat (muitte lohkat geavahanbagadusa vai anát biilastuolu riehta).

Geahča dohkkehanmearkka go oasttat mánáidbiilastuolu.

Sihke oktiibeaskkehanteasttat ja duohta lihkohisvuođat čájehat ahte smávva mánáide lea sihkkareamos leat sihkkarastojuvvon sealggális čohkkát mánáidbiilastuolus.

Mánáin lea oaivi stuoris ja lossat rupmaša ektui, ja fas deahkit ja dávttit lea rašibut go boarráset mánáin ja ollesolbmui. Mánát berrejit čohkkát sealggális biilastuolus nu guhká go vejolaš, áinnas dassážii go leat unnimusat njeallje jahkásaččat, ja vaikko vel guhkit.

Lea stuora erohus čohkkát sealggális biillas ja ovddos čalmmiid:

Ovddos čalmmiid: Vahátgeahpádus sullii 65 %

Sealggális čohkkát: Vahátgeahpádus sullii 90 %

Mánás gii čohkká sealggális biillas deaddášuvvá rumaš ja oaivi stuolločielggi vuostá biillaid oktiibeaškkeheames. Deatta juohkása viidábut , ja dát ii čuoze nu garrasit máná niskái ja siskilušaide.

Go máná čohkká ovddos čalmmiid, de niski ja oaivi lihkkasa garrasit oktiibeaškkeheames. Dalle lea stuora riska ahte niskki fatnala badjelmeare ja oaivi vaháguvvá duođalaččat. Stuollobogán ja boallsttar čovvji badjel sáhtá garrasit čuohtat siskilušaide.

Mánáid vuollel 135 cm galgá bures sihkkarastit dohkkehuvvon mánáidsihkkarastinbiargasiiguin.

Buot ođđa mánáidsihkkarastinbiargasat maid vuvdet, leat dohkkehuvvon gustovaš dohkkehannorpma mielde - juogo ECE Regulatiivva 44-04 dahje ECE-Regulatiivva 129.

Biargasiidda galget leat merkejuvvon dohkkehanmearkkat. Merken muitala makkár deaddo- ja allodatluohkkái biargasat galget adnot. Leat golbma sortta biilastuolu mat heivejit máná iešguđet eallinmuttuide:

Njuoratmánáidstuollu

Smávvamánáidstuollu

Boagánstuollu

Don fertet diehtit makkár stuolu álggos dárbbasat go oasttát biilastuolu. Iskka čujuhusas www.bilstolevelgeren.no vai gávnat rievttis stuolu iežat mánái. Váldde mielde máná ja biilla biarggasgávpái gos lea buorre válljenmunni, vai dii beassabehtet geahččaladdat stuoluid ja oážžut veahki monteret biilastuolu biillii. Muite ahte vaikko leage ožžon buoremus «árvosáni» iskosiin, de dat ii mearkkaš stuollu heive du mánái dahje du biillii.

Isofix dahje boagánmonterejuvvon biilastuollu

Leat hui mánggalágan biilastuolut gávdnamis, ja daid earuha dainna leatgo stuolut maid darveha 1) Isofix:in dahje 2) biilla boahkániiguin.

Rievttis monteremiin leat goappaš stuolut seamma sihkkarat. Boagánmonterejuvvon stuolut leat gitta 25 kg rádjái ja Isofix - monterejuvvon stuolut leat gitta 18 kg rádjái.

Eanas ođđa biillain leat Isofix - giddenvejolašvuohta. Vaikko ISOfix lea internasionála standárda, de leat biillaid maŋnestuollokonstruksuvnnat iešguđetláganat. Danne sáhtá mánástuollu šaddat olu dahje unnán veallut dahje čohkkut dan duohken makkár biilla dus lea. Iskka danin dárkilit ahte oasttát stuolu maid sáhtát atnit iežat biillas.

Lea vejolaš láigohit

Muhtun biarggasgávpit, dáhádusfitnodagat ja earát láigohit olbmuid sihkkarastinbiargasiid. Iskka leatgo biargasat dohkkehuvvon gustovaš dohkkehannorpma mielde.

Adnon biargasat

Don berret dovdat adnonbiargasiid ovdahistorjjá jus oasttát daid. Ii oaččo šat atnit biilastuolu mii lea leamaš oktiibeaškkeheames dahje lea biillahuvvan juoga man nu ládje. Iskka ahte sávnjit, boahkánat ja lásat leat čavdásat, ja geavahančilgehus ferte maid leat.

Biilastuoluid mat leat badjel 7-10 jagi leamaš anus, ii oaččo šat atnit daningo materiála hedjona áiggi mielde. Čuohta stuolu boahkániid ovdalgo bálkestat dan.

Njuoratmánát

Njuorاتمánástuollu Deaddu: 0 – 13 kg

Guhkkodat: 40 - 75 cm.

Njuorاتمánástuollu lea vuosttaš biilastuollu maid mánna dárbbáša ja dan monteret álohii nu ahte mánna čohkká sealggális. Vállje stuolu mii heive biillii ja lehket dárkilat das movt stuolu galgá monteret. Boasttumonteren dávja dáhpuhuvvá. Njuorاتمánástuolus lea allodat- ja deaddoráddjehus. Iskka danin movt stuolu geavaheapmi lea merkejuvvon.. Njuorاتمánástuolu berre lonuhit smávvamánáidstuoluin mas mánna čohkká sealggális go mánna ieš máhtta čohkkát ja lea doarvái stuoris ođđa stullui. Njuorاتمánástuollu berre leat sullii 45 gráda hállut dahje eanet ceaggut. Biillaid stuolut leat iešguđetláganat , danin lea dehálaš biillii geahččalit njuorاتمánástuolu ovdalgo vállje mánabiilastuolu, vai leat sihkar stuollu heive biillii. Aiddo riegeadan njuorاتمánáid čielgi dahje niski ii vaháguva vaikko čohkká mánáidbiilastuolus, ii vel guhkes mátkkiin ge. Váldde jámma bottožiid, vai mánna beassá eret stuolus ja beassá lihkadit.

Njuorاتمánáidstuollu lea beare unni mánna go oaivi lea dássálaga stuolu bajimus osiin.

Smávvamánáidstuollu lea beare unni go mánna bealji lea dássálaga stuolu bajimus osiin.

Smávvamánát

Smávvamánástuollu: Deaddu: 0/9 – 18/25 kg

Allodat: 61 - 125 cm.

Smávvamánáidstuollu lea nubbi stuollu maid mánna dárbbáša. Mii ávžžuhit atnit mánáidbiilastuolu mas mánna lea sealggális nu guhká go vejolaš, áinnas dassážii mánna lea njealjejahkásaš ja áinnas vel boarráset. Mánggalágan stuolut main mánna čohkká sealggális leat vuovdemassii gitta 25 kilo ja/dahje 125 cm rádjái.

Gávdnojit mánggalágan stuolut, ja daid earuha dainna leatgo stuolut maid gidde Isofix:in dahje biilla boahkániin. Rievttes monteremiin leat goappaš šlájat seamma sihkkarat. Várre buori áiggi vuohččan go biillii monteret stuolu, ja jeara vaikko gávppis sin veahkkin monteremii. Mánna stuorru ollu oanehis áiggis ja muhtumat šaddet lonuhit stuorát smávvamánáidstullui dan áigodagas go mánna čohkká sealggális biilastuolus.

Smávvamánástuolu berre leat sullii 30 gráda hállut dahje vel eanet ceaggut. Vai stuollu doaibmá riehta, de ferte mánna čavget bures stuolu boahkániin, ja muddet dan mielde man ollu biktasat mánas leat. Buoremus lea rahpat olgguldas biktasiid dahje nuollat daid vai boagán lea rupmaša lahka. Muite ahte biilastuolu boagán ii ábut máhccasit, muhto duolbut orrut rupmaša vuostá vai deaddu juohkása buoremusat.

Stuorát mánát

Boagánstuollu: Deaddu: 15 – 36 kilo

Allodat: 100 - 150 cm.

Boagánstuollu mas mánna čohkká ovddos čalmmiid, lea manemus biilastuollu maid mánna dárbbáša. Boagánstuoluin sihkkarasttat rievttes boagánbidjama.

Mii ávžžuhit boagánstuolu mas lea čielgi ja mas leat ravddat mat suddjejit goappaš beale oaivvi. Boagán heivehuvvo biilla golmmačuoggát boahkana mánna rupmašii ja fuolaha stuollobogán lea riehta oalgge badjel ja vuollin alimiid bokte. Jus mánna guhkes mátkkis oadđá, de boagánstuoluin mánna buoret bissu sajis stuolus ja mánas lea buorre dilli.

Biilaboalsttar lea dohkkehuvvon, muhto ii leat lahka ge nu buorre sihkarvuohta, earenoamážit oktiibeaskehehemiin gilggas. Dasa lassin leat stuorát vejolašvuohta boastut bidjat boahkána mii sáhttá dagahit stuorát vahágiid lihkohisvuođas. Biilaboagán galgá lahka rupmaša, boahkána alimat -oassi galgá mannat badjel alimiid ja oalgeoassi berre mannat badjel oalggi, čeabeha lahka.

Fuobmá biilastuollu ja boalsttar álohii galgá adnot ovtta biilla golmmačuoggát boahkániin.

Airbag

Lea gielddus máná bidjat ovdastuolus sealggális guvlui mánástullui gos gávdno aktiiva airbag. Airbagas lea hirmat vuoibmi, ja máná sáhttá jápmat dahje duođalaččat vaháguvvat jus dat bávkkeha.

Mánát vuollel 140 cm eai berre čohkkát ovdastuolus biillas mas lea aktiiva airbaga. Airbag lea ráhkaduvvon suddjet ollesolbmot ja dat sáhttá vaháguhttit máná duođalaččat. Jus airbag ii sáhte jáddadit čoavdagiin dahje fysalaččat váldit eret biiladivohagas, de manjestuollu lea áidna molssaeaktu mánái.

Gilgaairbagat eai leat várálaččat mánáide geat riehta leat sihkkaraston go čohkkájit, muhto ávžžuhuvvo mánát ja nuorat miiget uvssaid vuostá main lea airbag. Geahča spesifihka dieđuid biilla bagadusgirjiis.

Dábálaš boasttuvuođat

Jahkásaččat vaháguvvet ollu mánát áibbas dárbbasmeahttumiid biillas. Heajos áigi ja smávva boasttuvuođat sáhttet dagahit duođalaš váikkuhusaid lihkohisvuođas.

Muitte álohii sihkkarastit máná albma ládje, fuolat čavget boahkániid máná rupmaša lahka, ja fuobmá lea go stuollu doarvái bures darvehuvvon. Dábálaš boasttuvuođat mat sáhttet buktit duođalaš váikkuhusaid:

Mánáidstuolus boahkánat eai leat doarvái čavgejuvvon máná birra

Biilaboagán lea máná gieđa vuolde dahje sealgge duohken

Mánáidstuollu lea biddjon ovdastullui aktiiva airbag ovddabeallai.

Ii leat doarvái dárkilit čuvvon monterenčilgehusa, ja stuollu lea beare heittogit darvehuvvon.

Boagán máná birra lea botnjasan

Garvve luovos biergasiid biillas. Sihke mánát ja ollesolbmot sáhttet duođalaččat vaháguvvat bruvsabohttala geažil go fáhkka šaddá goazastit.

Jearaldagat? Leatgo dus jearaldagat máná sihkkarastima birra biillas? Čujuhusas tryggtrafikk.no/barnibil gávnnat eanet dieđuid, filmmaid ja vástádusaid áigeguovdilis jearaldagaide. Don sáhtát maid jearrat jearaldagaid b...